



Ақмешіт

25 сәуір
сейсенбі
№33 (1940)
2023 жыл

Газет
1994 жылдың 15 сәуірінен
бастап шығады

Қалалық қоғамдық-саяси әлеуметтік-
ақпараттық тарихи-танымдық газет •
E-mail: akmeshit.kz@mail.ru

апталығы



СУДАНДАҒЫ СОҒЫС: ДИПЛОМАТТАР ҚАЙТУДА

15 сәуірден бастап Судан мемлекетінде қорғаныс күштері мен әскери құрылым арасында қақтығыс орнады. Қарулы қақтығыстың кесірінен қарапайым азаматтар арасында қаза тапқандар саны көбейді және аялау уақытта азаматтық соғысқа ұласу қаупі бар. Міне, осы себептен мемлекеттен еуропалық елдің бірақтары өз дипломаттары елге қайтару алу үшін бар күшін салуда. Бұл туралы CNN арнасында Элиза Макинтош пен Нун Салифтың авторлығымен «Судандықтар соғысып жатқанда шетелдік державалар өз азаматтарын құтқаруда» деген тақырыптағы мақала жарық көрді.



Ұлыбритания жексенбіде Суданнан барлық азаматын қайтарғаны туралы мәлімет таратты. Басқа мемлекеттер де азаматтарын елге қайтарудың қамын жасауда. Арна тілшілерінің мәліметінше, АҚШ-тың арнайы күштері сенбі күні 100-ге жуық адамды, соның ішінде АҚШ елшілігінің қызметкерлерін қайтарған. Одан бөлек америкалық шенеуніктер арнайы күштер басқа елдерден келген аздаған дипломатты да қауіпсіз жерге көшіруге көмектескенін мәлімдеген.

Қазіргі кезде эвакуация күшейген қақтығыстарға байланысты қиындауда. Бір аптадан астам шайқастың ортасында тұрған екі тарап – Судан армиясы мен Жедел қолдау күштері (RSF) деп аталатын әскерлендірілген топ бір-бірін айыптауда. Әсіресе Францияның эвакуациялау кортежі Суданнан шықпақ болған кезде оқ жаудырып, француздық азамат жарақаттанған кейін қыргы-қабақ күшейді.

Қаир сыртқы істер министрлігі де эвакуациялау кезінде Судандағы Египет елшілігінің бір қызметкері оққа ұшқанын хабарлады.

Судан астанасы Хартумдағы қақтығыстар тоғызыншы күні күшейді. Жалпы Суданның әскери басшысы генерал Абдул Фаттах әл-Бурхан және Жедел қолдау күштері 2021 жылы әскери төңкеріс нәтижесінде елді басқаруды басып алып, билікті азаматтық үкіметке беруді керек еді. Бірақ оның орнына олар бір-біріне қарсы шықты.

Дүниежүзілік денсаулық сақтау ұйымының мәліметі бойынша, қақтығыста 420-дан астам адам қаза тауып, 3700-ден астам адам жарақат алған. Медициналық қызметке қолжетімділіктің жоқтығынан гуманитарлық жағдай нашарлап, көбі тамақ пен суыз шұғыл.

Негізгі халықаралық әуесжай әлі жабық болғандықтан, көптеген судандық бейбіт тұрғын үйлерінде қамалып отыр немесе елден оның құрлық шекаралары арқылы қашу жолдарын табуға тырысуда. Ал интернетке қолжетімділікті шектеу бұл мүмкіндіктерді одан әрі қиындатады.

Екі тарап өзара бітімге келуге тырқан еді. Соның ішінде Ораза айт кезінде оқ атпау туралы келісім болған. Бірақ соңғы жаңалықтар бұл келісімдердің орындалмағанын дәлелдеп отыр. Хартумның кей аумағындағы тұрғындар «CNN»-ге жексенбі күні таңертең соғыс қимылдарын тоқтатудың белгісі жоқтығын, өйткені таңғы уақытта әуе соққылары, ауыр артиллерия, жарылыстар мен атыс-шабыспен оянганын айтқан. Тұрғындар қала орталығындағы әскери штаб пен президент сарайының айналасында қақтығыстар болып жатқанын хабарлады.

Соғыс қимылдарының күшеюіне және қауіпке қарамастан, шет елдердің үкіметі құтқару миссияларын жариялауды жалғастыруда және өз азаматтарын шығаруды жоспарлап отыр.

Ұлыбритания премьер-министрі Риши Сунак: «Жексенбіде елшілік қызметкерлеріне қауіп төнгендіктен Ұлыбритания британдық дипломаттар мен олардың отбасыларын «сүрделі және жылдам» эвакуациялауды аяқтады», – деп хабарлады. Франция Сыртқы істер министрлігі де Суданнан дипломатиялық қызметкерлер мен француз азаматтарын «жедел эвакуациялау операциясы» Еуропалық және одақтас серіктес елдермен келісіліп жатқанын айтты.

Сонымен қатар Швеция парламенті Риксдаг швед және шетелдік азаматтарды эвакуациялауға көмектесу үшін 400 сарбаз жіберуге рұқсат берді. Ал Испания өз азаматтарын Суданнан қауіпсіз эвакуациялау үшін ұшақтардың қону алаңын қамтамасыз ету үшін жұмыс істеді.

Мысыр Сыртқы істер министрлігінің мәлімдеуінше, Египет Хартумнан тыс жерде орналасқан өз азаматтарын Мысырдың қузырлы органдары эвакуациялауға дайындау үшін оларды ең жақын нүктеге баруға шақырды.

Түркия жарылыстардан қорғау мақсатында өз азаматтарына ұсынған жерлерге жиналмауды ескертті. Өйткені түркиялық билік эвакуациялау жұмыстарын кейінге қалдырды. АҚШ мемлекеттік консулдық істер департаментінің мәлімдемесіне сәйкес, АҚШ азаматтары өз көлігін пайдаланатын болса Біріккен Араб Әмірліктері мен Түркия ұйымдастырған эвакуациялық конвойларға қосылуға кеңес берді. «CNN» арнасының дерегі бойынша, Суданда шамамен 16 000 америкалық азамат бар және олардың көпшілігінің қос азаматтығы бар.

Хартумда тұратын судан және америкалық журналист Исмаил Қушқуш 29 тұрғынмен, соның ішінде балалар мен шетелдік азаматтармен бірге Хартум орталығында президент сарайының жанындағы ғимаратта бірнеше күн қамалып қалған.

«Бес күннен бері жарық та, су да жоқ. Бөтелкеде қалған суды пайдаланып отырмыз. Азық-түлік қоры таусылып барады. Қақтығыс ошағына жақын орналасқандықтан президент сарайынан екі блокқа орналасқан ғимараттан шыға алмай отырмыз», – деді ол «CNN»-ге жіберген мәтіндік хабарламасында. Кейін топ қауіпсіз жерге көшірілген.

Пайдаланушылар «WhatsApp» пен басқа әлеуметтік желілердегі топтық чаттарда басқалары суды қайдан алуға болатынын, телефондарды зарядтауды, дәрігерлерді табуды және Хартумнан қауіпсіз, ұрыссыз жолдарды табуды талқылауда. Көпшілігі Мысырға қоғамдық көлікпен баратын жолдар туралы кеңес сұрап жатыр екен.

4 БЕТТЕ

АЙТАЙЫН ДЕГЕНІМ...

Жуырда еліміздің әлеуметтік-экономикалық дамуы жөнінде кеңес өтті. Осы жылында Мемлекет басшысы Қасым-Жомарт Тоқаев ұлттық қор мәселесіне назар аударып, бюджет тапшылығын, мемлекет қарызын, ұлттық қордан аударылатын трансфертті және басқа да макроқорсеткіштерді реттеуді тапсырған болатын. Кенесте ұлттық қордағы қаржы көлемі де айтылды. Біз өз кезегінде ұлттық қор ел қарызын төлеуге жете ме деген сауалға жауап іздеп көрдік.

ҰЛТТЫҚ ҚОР ҚАРЫЗДЫ ТӨЛЕУГЕ ЖЕТЕ МЕ?




Несиеге шырмалған жұрт не істеуі керек?

Дәл қазір қазақтың шымбайына батқан екі мәселе болса, соның бірі – қарыз. Несін жасырамыз, елдегі әрбір отбасы банкке берешек. Халықты бұл күйден құтқаратын мемлекеттің өзі сырттан миллиардтап қарыз алған. Алдымен қарапайым халықтың несиесіне тоқталайық...

Бірінші несие бюросының ақпарына сүйенсек, 2021 жылдың шілдесіндегі мәлімет бойынша Қазақстандағы 7,5 млн азаматтың банктер мен басқа да қаржы ұйымдарында несиесі бар. Ұлттық банктің Қызылордадағы филиалы берген мәліметке сүйенсек, банктердің экономиканы несиелеу көлемі бойынша қарыз 2021 жылғы 1 желтоқсан бойынша 17 838,2 млрд теңгені құраған. Оның ішінде заңды тұлғаларға берілген несие көлемі 7 497,1 млрд теңге болса, жеке тұлғалар 10 341,1 млрд теңге көлемінде несие алған.

2 БЕТТЕ

АУЫЛДАҒЫЛАРҒА ҮМІТ СЫЙЛАҒАН БАҒДАРЛАМА



Өткен жылы Мемлекет басшысы ауылдарды дамыту тұжырымдамасын дайындау туралы жарлыққа қол қойған еді. Міне, Президент тапсырмасы орындалып,

Үкімет ауылдарды дамытуға арналған тұжырымдама қабылдады. Бес жылға арналған тұжырымдама ауылға не береді? Ауыл болашағы жарқын ете ме?

2 БЕТТЕ

ПРЕЗИДЕНТ БЕРГЕН ТАПСЫРМАЛАР НАҚТЫЛАНДЫ

Кеше облыс әкімі Нұрлыбек Нәлібаевтың төрағалығымен өткен облыс активінің отырысында әлеуметтік-экономикалық даму мәселелері бойынша кеңейтілген мәжілісте Мемлекет басшысы айқындаған экономикалық дамудың негізгі бағыты бойынша мақсат-міндеттер талқыланды.



Облыс әкімі аталған шаралардың түпкі нәтижесі тұрғындардың өмір сүру сапасын арттыру, халық табысын ұлғайту және жаңа жұмыс орындарын ашу, инфрақұрылымды одан әрі дамыту жөніндегі жұмысты жаңғырту, қауіпсіздікті қамтамасыз ету, адами капиталдың жан-жақты дамуы үшін мүмкіндіктерді кеңейту екенін айтты.

2 БЕТТЕ

ТОЛҒАНДЫРҒАН ТАҚЫРЫП

Қазір сарбаз болып, сапқа тұрудан қаймығатын жастар көбейіп барады. Шынында, патриоттық тәрбие әлсіз бе, әлде отансүйгіштік қасиетті сіңіре алмай жүрміз бе? Анығы сол әскери борышын өтеуден жалғартындардың артқаны.

Әскерге бар, АЗАМАТ!



Сенатор Руслан Рүстемов осы мәселеге орай өз пікірін білдірді. «Жасыратыны жоқ, бүгінгі әскер жайлы жайсыз әңгіме көп. Қалың қазақтың ортасынан шыққан соң елдегі жағдай маған белгілі. Әскерге баласын жібергісі келмейтіндер де баршылық. Осы мәселе мені көптен толғандыратын. Халық сауалына орай Сенаттың әлеуметтік-мәдени даму және ғылым комитеті Қазақстан әскеріне

жауапты тұлғаларды шақырып, ортақ мүдде тұрғысында ашық сұхбат жасады. Кейбір мәліметтерде әскерге міндетті борышкерлердің 60 пайызы еңжалды немесе қорқақтықтан бас тартса, 30 пайызы жарамсыздық себебінен әскерге бармайды екен. Тек 10 пайызы ғана өздігінен әскерге баруға ынталы. Ойланарлық дерек!

3 БЕТТЕ

Облыста бәйгеден ҚР чемпионатының оңтүстік аймақтық II іріктеу турнирі ұйымдастырылды. Жарыстың ашылуына облыс әкімі Нұрлыбек Нәлібаев пен Ұлттық спорт қауымдастығының президенті Исламбек Салжанов және «Бәйге» федерациясының президенті Қанат Қолбаев қатысты.



АЛАМАНДА КІМНІҢ АТЫ ОЗДЫ?

Шарада сөз алған облыс басшысы жүйрік жаратып, ат баптау ұлтымыздың рухани болмысына, әдет-ғұрпы мәдениеті мен өнердің тұтас бір бөлігіне айналғанын атап өтті.

– Соңғы жылдары аймақта ұлттық спорт түрлері бұқаралық сипат алууда. Бүгінде облыста 16 мыңнан астам адам ұлттық спортпен шұғылданады. Спортшыларымыз өткен жылы ел чемпионаты мен кубоктарында, Әлем және Азия чем-

4 БЕТТЕ

